

Ukiuunerani 2023-mi tuttunniarnissamut aamma umimmanniarnissamut piffissaliussat pisassiissutillu aalajangerneqartut.

19. december 2022

Aalisarnermut Piniarnermullu Naalakkersuisoqarfik

Matumuuna ukiuunerani 2023-mi tuttunniarnissamut umimmanniarnissamullu piffissaliussat sumiiffinnilu tuttutassiissutit umimmattassiissutillu aalajangerneqartut nalunaarutigineqarput.

Ukiuni kingullerni Pinngortitaleriffimmiit Piniarfik 2-mi (Sisimiut-Kangerlussuaq) martsimi 2018-imi pisortatigoortumik qulimiguulimmik tuttunik aamma umimmannik kisitsisoqarnikuuvoq, taamatullu Piniarfik 3-mi (Akia-Maniitsoq) aamma Piniarfik 4-mi (Ameralik) martsimi 2019-imi pisortatigoortumik qulimiguulimmik tuttunik kisitsisoqarnikuulluni. Kisitsinermiit pisortatigoortumik nalunaarusiat siulliit Piniarfik 2-mi tuttunut tungasoq taamatullu Maniitsup aqutsiveqarfiani umimmannut tungasoq naammassineqareerput. Nalunaarusiat Piniarfik 3-mi aamma Piniarfik 4-mi tuttunut tungasut ilaatigut immikkut ilisimasalimmik pisariaqartitsineq pissutigalugu maannakkut suli naammassineqarnikuunngillat.

Tuttut

1. Aqutsiveqarfik Qaanaaq: Nuna Inglefield-imi aamma Prudhoe-mi ukiuunerani 2023-mi inuussutissarsiutigalugu aamma sunngiffimmi tuttunniarneq 1. januaarimiit 2023-mi 30. aprili ilanngullugu ingerlassaaq tassanilu aasaanerani ukiaaneranilu 2022-miit tuttutassiissutinit pisarinngitsuukkat piniarneqassallutik. Kangerluarsorujuk-mi tuttut ukiuunerani killeqanngitsumik piniarneqassapput.
2. Piniarfik Nuussuaq: Aasaanerani aamma ukiaanerani 2022-mi tuttutassiissutinit pisarinngitsuukkat piffissami 8. februaarimiit 2023-mi 28. februaari ilanngullugu piniarneqassapput.
3. Piniarfiit sinneri: Piniarfinni sinnerini tuttunniartoqassanngilaq.

Tunngavilersuutit: Aasaanerani aamma ukiaanerani 2022-mi Piniarfimmi 2-mi (Sisimiut-Kangerlussuaq), Piniarfik 3-mi (Akia-Maniitsoq) aamma Piniarfik 4-mi (Ameralik) qaammatini tallimani killeqanngitsumik inuussutissarsiutigalugu tuttunniartoqareerpoq. Piniarfinni pineqartuni Pinngortitaleriffik naapertoglugu tuttut amerlavallaalersimanagerat tassunga tunngaviuvoq ikilisaasoqartariaqarluni. Piniarfinni sinnerini ikinnerusunik tuttoqarfiusut killeqanngitsumillu tuttunniarfiusartuni qaammatit pingajuat qiteqqullugu killeqanngitsumik inuussutissarsiutigalugu tuttunniartoqareermat, ukiuunerani tuttunniarnissamut immikkut ittunik tunngavissaqanngilaq.

APN-ip kommunit qanimut suleqatigalugit akuersissutinik utertitsisarneq malinnaaffigivaa, utertinneqartannginnerat taamatullu pisanik nalunaaruteqartannginneq piniartunut ataasiakkaanut akuersissutinik qinnuteqarsinnaanissamut ukiuni aggersuni kinguneqassaaq.

Erseqqissaatigineqarpoq qamuteralaanik, ATV-nik kiisalu qamutinik motoorilinnik allanik

atuinermi kommunimi ileqqoreqqusat malinneqassasut, tuttunillu malersuinermi piniarnermilu atornissaat inerteqqutaamat. Assartuutit motorillit tuttunut minnerpaamik 500 meterinik ungasissuseqassapput.

Umimmaat

4. Aqutsiveqarfik Maniitsoq: Piniarfik 1-imi ukiuunerani killilimmik umimmanniarneq assartuutininik atuiffigeqqusaanngitsoq 30. januaarimiit 2023-mi 26. februaari ilanngullugu sapaatip akunnerani sisamani ingerlassaaq. Piniarfik 2-mi, Piniarfik 3-mi aamma Piniarfik 4-mi - Ilanngussaq 4 takuuk - ukiuunerani killilimmik inuussutissarsiutigalugu umimmanniarneq 30. januaarimi 2023-mi aallartissaaq 26. februaari ilanngullugu sapaatip akunnerani sisamani ingerlassalluni. Tiggaat tammajuitsussanik piniarnissamat pisassiissutaareersut aamma kulavaat norrallit piniaqqusaanngillat.

Piniarfik 1-imi 100-nik umimmattassiisoqarpoq,

Piniarfik 2-mi 200-nik umimmattassiisoqarpoq,

Piniarfik 3-mi 500-nik umimmattassiisoqarpoq kiisalu

Piniarfik 4-mi 200-nik umimmattassiisoqarluni.

Kangerlussuup eqqaani kangerlummi sikuniarneq apeqqutaatillugu piniarnissamat piffissaliussaq nalimmassarneqarsinnaavoq. Decembarip pingajuani 2022 Kangerlussuup qinngua suli sikusimanngitsoq maluginiaraneqarpoq.

5. Aqutsiveqarfik Sisimiut: Aasaanerani aamma ukiaanerani 2022-mi umimmattassanit pisarinngitsuukkat ukiuuneranut 2023-mi piniarnissamat nuunneqassapput piffissami 30. januaarimiit 26. februaari ilanngullugu ingerlanneqartussamat. Qeqqata Kommunian suleqatigalugu pisarinngitsuukkat amerlassusaaq aalajangerneqassaaq.

6. Aqutsiveqarfik Kangaatsiaq: Aasaanerani aamma ukiaanerani 2022-mi Sisimiut aqutsiveqarfiani umimmattassanit pisarinngitsuukkat ukiuuneranut 2023-mi piniarnissamat nuunneqassapput piffissami 30. januaarimiit 26. februaari ilanngullugu ingerlanneqartussamat. Kommune Qeqertalik suleqatigalugu pisarinngitsuukkat amerlassusaaq aalajangerneqassaaq.

7. Umimmaqarfik Naternaq: Aasaanerani aamma ukiaanerani 2022-mi umimmattassanit pisarinngitsuukkat ukiuuneranut 2023-mi piniarnissamat nuunneqassapput piffissami 13. februaarimiit 12. marsi ilanngullugu ingerlanneqartussamat. Kommune Qeqertalik aamma Avannaata Kommunian suleqatigalugit pisarinngitsuukkat amerlassusaaq aalajangerneqassaaq.

8. Umimmaqarfik Ivittuut: Ukiuunerani umimmanniartoqassanngilaq.

9. Umimmaqarfik Sigguk: Ukiuunerani umimmanniartoqassanngilaq.

10. Aqutsiveqarfik Ittoqqortoormiit: Ukiuunerani 2023-mi inuussutissarsiutigalugu aamma sunngiffimmi umimmanniarneq marsi naallugu ingerlassaaq aqutsiveqarfimmilu umimmattassiissutit 60-iullutik.

11. Aqutsiveqarfik Qaanaaq: Nuna Inglefield-imi, Nuna Prudhoe-mi aamma Qooqquni ukiuunerani 2023-mi inuussutissarsiutigalugu aamma sunngiffimmi umimmanniarneq 1. januaarimiit 15. aprili ilanngullugu ingerlassaaq tassanilu aasaanerani aamma ukiaanerani 2022-mi umimmattassiissutinit pisarinngitsuukkat piniarneqassallutik. Taassuma saniatigut umimmaat Pituffimmi mittarfeqarfiup eqqaani akornusiisartut Pituffimmi Innuttaasut Siunnersuisoqatigiit, Avannaata Kommunian aamma Qaanaap aqutsiveqarfiani piniartut suleqatigalugit pisassiissutit iluanni killilimmik piniarneqarsinnaassapput.

12. Umimmaat allat Nanortalimmut nuunneqarsimasut aamma Nuup Kangerluanut ingerlaarnikut eqqissisimatitaalluinnarput.

Tunngavilersuutit: Aqutsiveqarfik Ivittuuni: Ukiuni kingullerni umimmannik ikinnerpaaffiliinikkut kisitsisoqartarnera tunngavigalugu ukiuunerani 2023-mi umimmanniartoqassanngilaq. Ivittuuni umimmaat maannakkut amerlavallaarunnaarnerat tunngavigineqarpoq.

Aqutsiveqarfik Sisimiut-ni: Aasaanerani aamma ukiaanerani umimmattassat misilittakkat tunngavigalugit tamakkerneqartanngillat, taamaammat pisarinngitsuukkanik ukiuuneranut nuussisoqassaaq.

Aqutsiveqarfik Kangaatsiaq-mi: Aasaanerani aamma ukiaanerani Sisimiut aqutsiveqarfiani umimmattassat misilittakkat tunngavigalugit tamakkerneqartanngillat, taamaammat pisarinngitsuukkanik ukiuuneranut nuussisoqassaaq.

Aqutsiveqarfik Maniitsoq-mi: Aqutsiveqarfimmi ukiuunerani 2023-mi killilimmik umimmattassiisoqarnissaa biologinit inassuteqaammik tunngaveqarpoq. Aqutsiveqarfik Maniitsoq-mi umimmaat 2018-mi qulimiguulimmiit kisinneqarput. Umimmaat siornamut naleqqiullugu immamiit uuttorlugu qutsinnerusuni takuneqartarput (agguaqatigiissillugu 500 meterinit qutsinnerusuni). Umimmaat pingaartumik umimmaqarluarfiusuni marlunni Kangerlussuarmiit siornamut naleqqiullugu ungasinnerusuni takuneqartarput. Sumiiffiit umimmaqarluarfiusut neriniarfittut pitsaannginnerusutut nalilerneqarput. Umimmannik akornusiinnginnerunissaaq siunertaralugu Pinngortitaleriffiup inassutigaa aqutsiveqarfimmi assartuutitik motorilinnik atuineq minnerpaaffimmiitinneqassasoq. Piniarfik 2-mi aamma taamaattoqartartoq minnerpaaffiliinikkut kisitsinerni paasineqareerpoq. Assartuutit motoorillit umimmannut akornutaasarnerat aqutsinermi minnerpaaffimmiitinniarneqarpoq taamaaliornikkut norraat amerliseqqinniarlugit.

APN-miit erseqqissaatigineqarpoq qamuterallannik, ATV-nik kiisalu qamutitik motoorilinnik allanik atuineri kommunimi ileqqoreqqusat malinneqassasut, umimmannillu malersuineri piniarnermilu atornissaat inerteqqutaammat. Assartuutit motoorillit umimmannut uumasunut minnerpaamik 500 meteritik ungasissuseqassapput.

Sukumiinerusumik paasisaqarusukkaanni immikkoortortaqaarfimmi pisortaq Amalie Jessen attavigineqarsinnaavoq, oqarasuaat 34 53 06, e-mail: amalie@nanoq.gl